

AKHBAR : HARIAN METRO

MUKA SURAT : 11

RUANGAN : LOKAL

lokal

08
September
2020PECAHAN KES BAHARU JANGKITAN
COVID-19 MALAYSIA
DETAILS OF NEW CASES COVID-19 MALAYSIA

KKM semalam mengumumkan 100 kes baharu positif Covid-19 dilaporkan sekali gus menjadikan jumlah kumulatif kes yang positif sebanyak 9,559 kes.



Oleh Shamran Sarahan,
Raja Noraina Raja Rahim
dan Nurul Hidayah
Bahaudin
am@hmetro.com.my

Putrajaya

Jangkitan kes baharu Covid-19 yang dilaporkan kepada Pusat Kesiapsiagaan dan Tindak Cepat Krisis Kebangsaan (CPRC) melonjak lagi dengan merekodkan 100 kes semalam, menjadikan jumlah kumulatif 9,559 jangkitan wabak itu dalam negara.

Bibit peningkatan kes baharu itu bermula kelmarin dan kali terakhir negara merekodkan kes tertinggi pada angka tiga digit dilaporkan 94 hari lalu, pada 4 Jun, dengan mencatatkan 277 kes hari itu.

Ketua Pengarah Kesihatan

Kembali pada angka 3 digit

Catat 100 kes baharu semalam menjadikan jumlah kumulatif 9,559 jangkitan wabak

Tan, Sri Dr Noor Hisham Abdullah berkata, daripada 100 kes baharu dilaporkan itu, 85 kes adalah kes tempatan, manakala baki 15 kes adalah kes import yang mendapat jangkitan di luar negara.

Beliau berkata, 85 kes penularan di dalam negara membabitkan 55 warga Malaysia dan 30 bukan warganegara.

"Sebahagian besar kes dilaporkan membabitkan Kluster Benteng di Sabah dengan 62 kes, iaitu 32 jangkitan membabitkan warga Malaysia, manakala 30 lagi bukan warganegara.

"Selain itu, 22 kes membabitkan warga Malaysia dari Kluster Sungai di Kedah dan satu lagi kes dari kluster sama di Perlis," katanya dalam sidang media harian Covid-19 di sini, semalam.

Dalam pada itu, beliau berkata, kes import yang direkodkan semalam, membabitkan India (enam kes di Selangor, empat kes Kuala Lumpur, satu kes di Negeri Sembilan), Indonesia (dua kes di Selangor), Pakistan (satu kes di Selangor) dan Filipina (satu kes di Kuala Lumpur).

Terdahulu, Dr Noor Hisham berkata, ada 12 kes pulih dilaporkan semalam, menjadikan jumlah kumulatif kes pulih meningkat kepada 9,136 kes.

Oleh itu, katanya, kes aktif dengan kebolehan jangkitan Covid-19 yang direkodkan membabitkan 295 kes dan mereka sudah diasingkan serta diberi rawatan di hospital.

"Ada tujuh kes positif Covid-19 yang sedang dirawat di Unit Rawatan Rapi (ICU) dengan empat daripadanya

memerlukan bantuan pernafasan.

"Tiada pertambahan kes kematian dilaporkan hari ini (semalam), justeru, jumlah kumulatif kes kematian Covid-19 di Malaysia kekal 128 kes, 1.34 peratus daripada jumlah keseluruhan kes," katanya.

Sementara itu, Kementerian Kesihatan Malaysia (KKM) menerusi infografik yang dimuat naik di laman Facebook rasminya melaporkan, Lahad Datu dalam senarai zon merah dengan mencatatkan 87 kes.

KKM turut memaklumkan, sebanyak 96 kluster sudah ditamatkan, terbaharu Kluster DTI Bukit Jalil diisytiharkan tamat dengan 653 kes dilaporkan dan ia kluster kedua terbesar di Malaysia selepas Kluster Seri Petaling.

Patuhi SOP pada PRN

Kuala Lumpur: Risiko jangkitan Covid-19 akan meningkat sekiranya masyarakat Sabah tidak mengamalkan prosedur operasi standard (SOP) ketika Pilihan Raya Negeri (PRN).

Ketua Pengarah Kesihatan, Tan Sri Dr Noor Hisham Abdullah berkata, semua pihak termasuk petugas kesihatan di Sabah tidak terkecuali dalam mengamalkan SOP ditetapkan Kementerian Kesihatan Malaysia (KKM).

"KKM mengingatkan kepada mereka untuk patuh SOP sama ada petugas kesihatan atau bukan petugas kesihatan serta masyarakat.

"Kalau ada perhimpunan, tiada penjarakan fizikal, tidak memakai mask (pelitup muka) dan tak mencuci tangan jadi risiko jangkitan

akan meningkat," katanya pada sidang media di Putrajaya, semalam.

Noor Hisham menasihatkan masyarakat sentiasa mengamalkan 3W iaitu kerap cuci tangan dengan air dan sabun, pakai pelitup muka serta patuh amaran daripada KKM.

Katanya, perkara itu sering ditekankan beliau dalam sidang media untuk tidak bersalaman atau ber-sentuh dan penjarakan satu meter.

"Kalau ada kes yang positif ada kemungkinan dijangkiti kalau tiada penjarakan satu meter," katanya.

Terdahulu, SPR menetapkan 26 September sebagai tarikh PRN Sabah manakala hari penamaan calon pada 12 September dan hari mengundi awal pada 22 September ini.



DR Noor Hisham pada sidang media harian di Putrajaya, semalam.

Penduduk Sabah diminta bertenang

Kota Kinabalu: Polis Diraja Malaysia (PDRM) meminta masyarakat di negeri itu bertenang dengan dua perkembangan terkini membabitkan penularan wabak Covid-19 di Lahad Datu dan keputusan injunksi di Mahkamah Rayuan membabitkan kerajaan negeri.

Pesuruhjaya Polis Sabah, Datuk Hazani Ghazali berkata, masyarakat diminta tidak menularkan sebarang kenyataan yang boleh menimbulkan kekusutan orang ramai.

Katanya, masyarakat perlu mengekalkan keamanan dan keharmonian bagi memastikan keselamatan masyarakat terpelihara.

"Bagi kes Lahad Datu, saya minta orang ramai tidak tular perkara yang tidak pasti selain terus bertenang dan mendapatkan maklumat sahih daripada pihak berkuasa.

"Saya juga ingin menyen-

tuh sedikit berkenaan injunksi di Mahkamah Rayuan, masyarakat diminta bertenang dan menerima apa saja keputusan yang akan diumumkan," katanya selepas Majlis Penyerahan Kenderaan Peronda Baharu PDRM, di Ibu Pejabat Polis Kontinjen (IPK) Sabah di sini, semalam.

Pada majlis itu, PDRM Sabah menerima 25 kenderaan MPV baharu Honda Civic 1.8 daripada Bukit Aman. Hazani berkata, polis akan mengambil tindakan tegas terhadap pihak yang cuba mengganggu gugat keamanan di negeri itu.

Ditanya berkaitan persiapan PDRM menjelang Pilihan Raya Negeri (PRN) akan datang, Hazani menegaskan pihaknya bersedia sepenuhnya.

Katanya, semua kawasan yang terbit sudah disusun atur bagi memastikan perjalanan PRN lancar.

Tetamu majlis Fatim & Azlan perlu tampil

Georgetown: Jabatan Kesihatan Pulau Pinang mengesahkan notis tular di media sosial yang individu hadir ke satu majlis akad nikah di Bukit Indera Muda di Seberang Perai Tengah (SPT) pada 29 Ogos lalu untuk menghubungi Pejabat Kesihatan Daerah.

Pengarah Jabatan Kesihatan

Pulau Pinang, Dr Asmayani Khalib ketika dihubungi mengesahkan notis yang tular semalam itu dikeluarkan Pejabat Kesihatan Daerah SPT.

"Pegawai kami sedang menguruskan senarai mereka (yang hadir) itu," katanya.

Menurutnya, hanya itu

maklumat yang pihaknya peroleh setakat ini dan belum dapat mengesahkan berapa ramai tetamu yang hadir ke majlis itu.

Tindakan meminta individu yang hadir menghubungi Pejabat Kesihatan Daerah SPT dikatakan kerana seorang daripada tetamu positif Covid-19.

Difahamkan, tetamu yang disahkan positif Covid-19 dijangkiti menerusi Kluster Sungai dan kini dirawat di Alor Setar, Kedah.

Berdasarkan notis yang tular itu, tetamu majlis akad nikah (Fatim & Azlan) pada tarikh itu diminta hubungi Bilik Gerakan Pejabat Kesihatan Daerah SPT.